

**БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ**

Делегација у Парламентарној скупштини
Организације за
безбједност и сарадњу у Европи



**BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE**

Delegacija u Parlamentarnoj skupštini
Organizacije za
sigurnost i saradnju u Evropi
Izaslanstvo u Parlamentarnoj skupštini
Organizacije za
sigurnost i suradnju u Europi

PARLIAMENTARY ASSEMBLY OF BOSNIA AND HERZEGOVINA
Delegation to the Parliamentary Assembly of the Organization for Security and Co-operation in Europe

Broj: 03/11-05-1-39/15

Sarajevo, 26. 2.2015.

I Z V J E Š T A J
SA ZIMSKOG ZASJEDANJA PARLAMENTARNE SKUPŠTINE OSCE-a,
BEČ, 18. - 20. FEBRUARA 2015. GODINE

Sarajevo, 26. februar 2015.

IZVJEŠTAJ O UČEŠĆU STALNE DELEGACIJE PARLAMENTARNE SKUPŠTINE BOSNE I HERCEGOVINE NA 14. ZIMSKOM ZASJEDANJU PARLAMENTARNE SKUPŠTINE OSCE-a

U Beču je od 18. do 20. 2. 2014. održano 14. redovno zimskog zasjedanje Parlamentarne skupštine Organizacije za evropsku sigurnost i saradnju (PSOSCE), u čijem radu su učestvovali Lazar Prodanović, član Stalne delegacije PSBiH u PSOSCE-a, i Jelena Rajaković, sekretar Stalne delegacije. Tokom trodnevnog zasjedanja, 250 poslanika iz 57 zemalja članica raspravljalo je o najvažnijim sigurnosnim izazovima s kojima se svijet trenutno suočava. Zasjedanje je počelo Mediteranskim forumom, na kojem se diskutiralo o pitanjima migracija, prijetnjama nasilnog ekstremizma, kao i o problemima nastalim nakon arapskog proljeća i novih izraelsko-palestinskih sukoba.

U plenarnom dijelu zasjedanja učesnicima se obratio predsjedavajući OSCE-a i ministar vanjskih poslova Srbije Ivica Dačić, koji je, osvrćući se na krizu u Ukrajini, pozvao sve strane da se u potpunosti pridržavaju dogovorenog Paketa mjera za primjenu Sporazuma iz Minska. Dačić je apelirao na sve strane da se suzdrže od bilo kakve akcije koja bi mogla ugroziti primirje na istoku Ukrajine, koje je na snagu stupilo 15. 2. Na poštivanje primirja i primjenu Sporazuma iz Minska pozvao je u svom obraćanju i predsjedavajući PSOSCE-a Ilke Kanerva. Tokom diskusije o ovom pitanju istaknuto je da prilika za mirno rješenje sukoba ne bi smjela da bude propuštena. Zaključeno je da je, kako bi podrška OSCE-a bila efikasna, neophodno da sve strane blisko saraduju sa Specijalnom posmatračkom misijom, poštuju i omoguće njenu sigurnost, te nesmetan pristup i slobodu kretanja posmatračima na terenu. Održane su i sjednice sva tri generalna komiteta PSOSCE-a, na kojima su učesnici nedvosmisleno osudili nedavne terorističke napade u Francuskoj i Kopenhagenu. Oni su istakli da je potrebna jednoglasna osuda svih oblika terorizma uz istovremeno osiguravanje uslova da naša društva ostanu ujedinjena protiv pokušaja stvaranja podjela na osnovu vjerske, kulturne, etničke, nacionalne i rasne pripadnosti. Posebna pažnja posvećena je i fenomenu stranih boraca – terorista, kao i nasilnom ekstremizmu i radikalizmu koji vode terorizmu, a

posebno radikalizaciji mladih i žena. Zaključeno je da se ne smije zanemariti i šire strateško sagledavanje evropske sigurnosti i značaja poštivanja naših zajedničkih vrijednosti i principa, te naglašeno da je uloga OSCE-a u tom smislu i dalje od ključnog značaja.

SEKRETAR
STALNE DELEGACIJE PSBiH U PSOSCE-u
Jelena Rajaković

Dostaviti:

- Kolegiju Predstavničkog doma
- Kolegiju Doma naroda
- Komisiji za vanjske poslove Predstavničkog doma
- Komisiji za vanjsku i trgovinsku politiku, carine, saobraćaj i komunikacije Doma naroda
- Stalnoj delegaciji PSBiH u PSOSCE-u
- a/a

Kopija: Ministarstvo vanjskih poslova BiH